



Broj: 05/7-39-1-155-52/19

Sarajevo, 27. 8. 2019.

Z A P I S N I K

52. sjednice Vijeća nacionalnih manjina BiH, održane 27. 8. 2019.

Sjednica Vijeća nacionalnih manjina BiH počela je u 17 sati.

Sjednicom je predsjedavao Andrija Svatok, predsjedavajući Vijeća nacionalnih manjina BiH.

Sjednici su prisustvovali: Tihomir Knežiček, Davor Ebner, Dejan Piotrovski, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Vjeročka Gajić, Mladen Radmilović, Nedžad Jusić, Hakan Varan, Tijana Vučurević, Marija Grbić, Eva Pašić-Juhas i Jakob Finci.

Sjednici nije prisustvovao Halil Bicaj.

Sjednici su, također, prisustvovali: Aida Kreho, sekretarka, Branislava Vignjević, stručna savjetnica, i Anđelka Dobrilović-Rajak, stručna saradnica u Zajedničkoj komisiji za ljudska prava.

Članovi Vijeća nacionalnih manjina BiH **jednoglasno** su usvojili sljedeći

D N E V N I R E D

1. Usvajanje Zapisnika 51. sjednice Vijeća nacionalnih manjina BiH;
2. Razmatranje Izvještaja s prvog sastanka Interresorne radne grupe za izradu Trećeg izvještaja o primjeni Evropske povelje o regionalnim ili manjinskim jezicima;
3. Dogovor o održavanju zajedničkog sastanka svih vijeća u BiH;
4. Tekuća pitanja.

Ad. 1. Usvajanje Zapisnika 51. sjednice Vijeća nacionalnih manjina BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda.

S obzirom na to da rasprave nije bilo, članovi Vijeća **jednoglasno su usvojili** Zapisnik 51. sjednice Vijeća nacionalnih manjina BiH.

Ad. 2. Razmatranje Izvještaja s prvog sastanka Interresorne radne grupe za izradu Trećeg izvještaja o primjeni Evropske povelje o regionalnim ili manjinskim jezicima

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali Velibor Kuvač i Tihomir Knežiček.

Vijeće nacionalnih manjina BiH **jednoglasno je primilo k znanju** Izvještaj s prvog sastanka Interresorne radne grupe za izradu Trećeg izvještaja o primjeni Evropske povelje o regionalnim ili manjinskim jezicima, te je formiralo tročlanu radnu grupu u sastavu: Velibor Kuvač, Dragan Marković i Andrija Svatok sa zadatkom da izradi prijedlog odgovora na pitanja koja su Vijeću nacionalnih manjina BiH dostavljena u vezi s Trećim izvještajem o primjeni Evropske povelje o regionalnim ili manjinskim jezicima.

Ad. 3. Dogovor o održavanju zajedničkog sastanka svih vijeća u BiH

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Andrija Svatok, Eva Pašić-Juhas, Velibor Kuvač, Nedžad Jusić i Davor Ebner.

Velibor Kuvač je, u vezi s ovom tačkom dnevnog reda, predložio da se - osim toga što treba utvrditi da li je OSCE u mogućnosti da finansijski pomogne realizaciju ovog sastanka, te predložiti mjesto održavanja - razmotri i koje bi to teme bile aktuelizirane na zajedničkom sastanku. Predložio je da jedna od tema bude razmatranje Trećeg izvještaja o upotrebi manjinskih jezika, te da se na sastanak pozove ambasador Vijeća Evrope Drahoslav Štefanek, odnosno osoba koju on odredi s ciljem izvještavanja članova vijeća o početku druge faze projekta Vijeća Evrope i Evropske unije o jačanju zaštite pripadnika nacionalnih manjina u BiH.

Nakon rasprave **jednoglasno je** dogovoreno da se pristupi organiziranju trećeg zajedničkog sastanka svih vijeća nacionalnih manjina u BiH, koji bi trebao biti održan u septembru ove godine u Banjoj Luci.

Ad. 4. Tekuća pitanja

Predsjedavajući Vijeća nacionalnih manjina BiH Andrija Svatok otvorio je raspravu o ovoj tački dnevnog reda. U raspravi su učestvovali: Nedžad Jusić, Hakan Varan, Dragan Marković, Eva Pašić-Juhas, Velibor Kuvač i Jakob Finci.

- a) Članovi Vijeća nacionalnih manjina upoznati su sa statusom dopisa koji je ranije dostavljen Ambasadi Republike Turske, a povodom eventualne službene posjete;
- b) Vijeće **je jednoglasno** odlučilo da na planiranom zajedničkom sastanku svih vijeća u BiH, koji bi trebao biti održan u Banjoj Luci, jedna o tema za raspravu bude i pokušaj pomoći u rješavanju problema s kojima se susreću vijeća, a povodom dopisa koji je uputila predsjedavajuća Federalnog vijeća nacionalnih manjina Hidajeta Redžić;
- c) Članovi Vijeća jednoglasno su se saglasili da, osim gospodina Fincija, i Eva Pašić-Juhas, ragovara putem skajpa s Elidom Vikić iz međunarodne nevladine organizacije za ljudska prava Human Rights Watch u Berlinu o problemima u provođenju presuda Evropskog suda za ljudska prava u predmetima Sejdić i Finci, Zornić, Pilav i Šlaka.

Sjednica Vijeća nacionalnih manjina BiH završena je u 18 sati.

Sastavni dio Zapisnika je tonski snimak 52. sjednice Vijeća nacionalnih manjina BiH.

Stručna savjetnica

Branislava Vignjević

Predsjedavajući

Vijeća nacionalnih manjina BiH

Andrija Svatok